

Keşfetmeyenler.

A CAPVT XI.

Meritò autem dubitatur etiam quā
nam speciei sint partes, quā verò
non, sed eius, quod simul sumitor, cùm &
hoc non existente manifesto, non sit defini-
nire vnumquodque. Vniuersalis etenim
& speciei definitio est. Quā igitur par-
tium ut materia sunt, & quā non, si non
sunt manifestæ, nec ratio rei manifesta e-
rit. Quācunque igitur apparent aduenien-
tia in diuersis specie, ut circulus in ære, li-
gno, & lāpide, hæc quidem manifesta esse
videntur: quoniam nihil substantiæ circu-
li æs, neque lapis est, propterea quodd ab
eis separetur. Quā verò non videntur se-
parari, nihil quidè prohibet similiter his
se habere: quemadmodū si circuli omnes
viderentur ænei. Nihil enim minus æs nō
sit ipsius speciei. Difficile tamen est, hoc
mente auferre: utputa, species hominis
semper in carnibus, & ossibus, & talibus
partibus appetit. Vtrum igitur sint hæc,
partes speciei, & rationis, an non, sed ma-
teria? Verùm quoniam non adueniunt eti-
am in aliis, non possumus separare. Cùm
autem hoc videatur quidem contingere,
quando verò nō est manifestum, quidam
etiam de circulo, & triangulo dubitant,
tanquam non conueniat lineis, & conti-
nuo definiri: sed hęc omnia similiter dici,
sicut carnes, aut osa hominis, & æs, & la-
pis circuli, & cuncta referunt ad numeros,
& lineæ rationem, eam, quā duorum esse
dicunt. Eorum etiam, qui ideas dicūt, qui-
dam ipsam lineam dualitatem, quidam li-
nea speciem: quędam etenim eadem esse,
speciem, & cuius species, utputa dualita-
, & dualitatis speciem: in linea verò nō
est. Accidit itaque & vnam multorum spe-
ciem esse, quorum species videntur diuer-
sa: quod etiam Pythagoricis accidebat: &
cōtingit vnam omnium facere ipsam spe-
ciem, cetera verò non species: at hoc mo-
do vnum omnia erunt. Quodd itaque ha-
bent aliquam dubitationem ea, quā circa
definitiones sunt, & quam ob causam, di-
ctum est. Quare cuncta ita reducere, & au-
ferre materiam, supervacaneum est. Quę-
dam namq. fortasse, hoc in hoc sunt, aut sic
hæc habentia. Et comparatio de animali,
quam iunior Socrates dicere solebat, non
bene se habet: abducit enim à vero, & opí-
nari facit, tanquā contingere hominē si-
ne partibus esse, quemadmodū absque æ-
re circulum. Hoc autē, non est simile. Ete-
nim sensibile quiddā fortassis animal est,